



Služba za civilnu zaštitu

Broj: 08-40-3-1413-1/26
Busovača, 10.03.2026.godine

U P O Z O R E N J E

o zabrani paljenja vatre na otvorenom prostoru

Prateći trenutnu situaciju u vezi povećanog broja požara otvorenog prostora na području Općine Busovača, koji su izazvani od strane nesavjesnih lica, u smislu paljenja trave i niskog rastinja a što je dalje uzrokovalo požare šume ili objekata, te uzrokovalo velike štetne posljedice, po prirodna i materijalna dobra, povećanje eko zagađenja i sl. Služba za civilnu zaštitu općine Busovača upozorava građane, odnosno sva pravna i fizička lica, vlasnike i korisnike šuma, kao i sve subjekti sistema zaštite i spašavanja da odmah u skladu sa odredbama Zakona o zaštiti od požara i vatrogastvu SBK („Službene novine SBK, broj 15/12), poduzmu neophodne preventivne mjere u cilju sprječavanja aktivnosti koje mogu dovesti do nastanka požara na otvorenom prostoru na području općine Busovača.

Shodno naprijed navedenom, te preporukama za poduzimanje preventivnih mjera zaštite od požara na otvorenom prostoru, dostavljenih od Federalne i Kantonalne uprava civilne zaštite, upozoravaju se građani i pravna lica na sljedeće:

- da prilikom čišćenja i svakog boravka u prirodi, ne palite vatru na nezaštićenim prostorima, u blizini šumskih kompleksa i nasada, te na drugim lako zapaljivim površinama;
- da prije napuštanja parcela, izletišta i korištenih vatrišta, propisno ugasite ostatke vatre;
- pravnim licima da poduzmu mjere zaštite od požara na svojoj imovini, materijalnim i drugim dobrima u skladu sa Zakonom,
- pravna lica koja gazduju šumama dužna su provoditi prorjeđivanje sastojina u blizini putova i na rubovima šuma, kresanje i uklanjanje suhog granja i ostalog lako zapaljivog materijala, izradu novih i održavanje postojećih prosjeka sa elementima šumskih puteva, kao i provođenje drugih preventivnih mjera koje su u funkciji zaštite šuma od požara u skladu sa zakonskim propisima,
- pravna lica u čijoj su nadležnosti trase elektroenergetskih vodova dužna su provoditi mjere zaštite od požara na trasama i pripadajućim elektroenergetskim objektima, posebno na šumskim i drugim područjima na kojima postoji povećana opasnost od požara,
- korisnici šuma i vlasnici privatnih šuma dužni su redovno obavještavati općinska i kantonalna tijela nadležna za poslove civilne zaštite o svim požarima u šumama i na šumskom zemljištu.

Ovim putem obavještavamo građane da uvažavaju naša upozorenja, te u slučaju da primijete požare to odmah prijave vatrogasnoj jedinici na broj **123** ili policijskoj stanici na broj telefona **122**.

Za lica koja budu postupala suprotno ovom upozorenju i Zakonu, nadležni organi će poduzeti zakonom propisane mjere i sankcije.



Služba za CZ Busovača